



**Sancti Epiphanii Episcopi Constantiæ Cypri, Opera Qvæ
Extant Omnia**

Epiphanius <Constantiensis>

Coloniæ Aggripinæ, Anno M.DC.XVII.

Epistola Scripta Nonagesimo Secvndo Anno Regni Diocletiani, Valentiniani
& Valenti, anno duodecimo, & Gratiani anno octauo, ad Epiphanium
Palæstinu[m] Eleutheropoliten, qui fuit Pater Monasterij in ...

[urn:nbn:de:hbz:466:1-80258](https://nbn-resolving.org/urn:nbn:de:hbz:466:1-80258)



EPISTOLA SCRIPTA NONAGESIMO SECVN-
DO ANNO REGNI DIOCLETIANI, VALENTINIANI
& Valenti, anno duodecimo, & Gratiani anno octauo, ad Epi-
phanium Palaestinū Eleutheropoliten, qui fuit Pater Monasterij
in eiusdem Eleutheropolis vicinia, tunc vero vrbis Constantiæ
prouincię Cypri episcopus extitit, ab Acatio & Paulo presbyte-
ris & archimandritis, hoc est, patribus monasteriorum partium
Chalcedonis, & Berrhœæ cauæ Syriæ, de eo quod contra omnes
hæreses scripsit, imo quod & multi adhortati sint ac coegerint
ipsum ad hoc Opus aggrediendum.

DOMINO meo & reuerendissimo per omnia, pientissimoque patri Epiphanio episco-
po, Acatio presbyter, & Paulus presbyter, archimandrita, in Domino gaudium.
Sufficebat equidem conspectus pietatis tue Pater, qui verbis spiritualibus nos im-
pleuit, & tantum in nos desiderium implantauit, ex tuo intuitu obortum. Verum
quandoquidem præuia fama discipuli Seruatoris prædicat, & fragrantie verborum
& actionum appetentiam infundit, ut & verbis & sententiis exatiemur: oportebat
quidem nos accedere, ut præsentis gratia, tibi ex Deo velut Apostolis data, partici-
pes fieremus. At quando via intercepta est per infirmitates ac arumnas corporales,
non potuimus ipsi proficisci, & ad pedes tuos prouolui, audire q, ac discere progredien-
tia ex ore tuo spiritualia sancta verba. Credimus enim, quod si digni fuisset audire ac reuerti, firmasset
utique Rempublicam, cui præfecti sumus, si modo digni sumus finem eius assequi. Quum igitur infirmitas deti-
neat, rogamus tantam tuam pietatem, ut ne inuideas nobis ex his quæ reuera tibi à Seruatore donata sunt im-
pertiri. Confitemur enim, non solum nos, sed etiam omnes, quod in hoc seculo nouum te Apostolum & præconem
Dominus excitauit, Ioannem nouum, & prædicantem qua debent seruari ab his qui cursum hunc propositum ha-
bent. Quum igitur communis frater Marcellus ob tantam famam angatur, & desiderio pietatis tue trahatur,
sitque ex nostro ouili, & recens in fide instructus: ipsum sane tantæ viæ ministrum adepti, tantam nostram, pec-
catorum videlicet, ad te Seruatoris discipulum, audaciam ipsi iniunximus. Quod vero cupimus, hoc est, ut ea
quæ dicta sunt à te ad quosdam fratres, nobis discenda dones: quod tibi quidem iusto minime graue est: nobis au-
tem peccatoribus, dum participes sumus, gaudium in Domino parit. Nam spiritualibus tuis verbis impleti, ab ini-
quitatibus nostris alienamur. Audiuius autem indita esse nomina sectus à præstantia tua, quarum singularum
superstitionum, petimus, ut pietas tua nobis hæresim palam declaret. Aequale est enim vniuersorum donum. Et
petimus te preces facere, te iustum Domino, pro omnibus desiderantibus te & expectantibus à te donum. In ie-
iunio & oratione sumus, ut communis noster frater à præstantia tua benigne susceptus, & afferat nobis donatum
à te munus, & sic consuetas preces patri & filio & spiritui sancto transmittat. Omnes fratres sperant per preces
à te pro ipsis scientes confirmari. Adhortamur, ut ne cuncteris impertiri gratiam diuinam Apostolorum, quam
habes. Omnes parui in oculis ac cætu, preces ad potiozem transmittunt, quo participes fiant spiritualis ex pietate
tua doni. Robustus in Domino, & letus in Christo ac sancto spiritu, datum tibi thronum ac diuinum munus per-
ficias & absoluas, usque ad expectantem te coronam.

EPISTOLA RESCRIPTA AD

ACATIVM ET PAVLVM PRESBYTEROS, AB

Epiphanio, ad ea quæ ab illis ad ipsum scripta sunt, de

eo quod ipse contra hæreses scri-
psit.

DOMINIS honorandissimis fratribus, & in presbyterio consortibus, Acatio &
Paulo, Epiphanius in Domino gaudium. Proœmium, siue præfationem veteres scri-
ptores, velut inscriptionem ac titulum describentes, per anigma totius subiectæ tra-
ctationis indicium præbuerunt: vnde & ipsi eodem dicendi stylo vsi, præfamur ad vos
charissimi, ea quæ ad petitionem vestram contra hæreses scripsimus, omnem rem in
breuem summam colligentes. Quandoquidem enim declaraturi sumus vobis & no-
mina sectarum, & nefarias apud ipsos actiones reuelaturi, quæ velut venena ac toxica existunt,
cum

RIANI

PHANI

RA